

GASSETTA ROMONSCHA.

Nr. 52.

Mustér,

29 de December 1865.

La

Nova Gasetta Romonscha

vegn era 1866 continuar siu quors jannil ella madema fuorma e culla madema tendenza sco tochen encheu. Ella entrescha en sia dieschavla anada — la pli aulta vegliadetgna de tutlas gasettas romonschas tochen ussa existidas. De sias consoras ha ella en quei deceni viu a murend, viu a neschend e turnar a murend. La Nova Gasetta Romonscha ha era giu l'honor d'obtenir in maispitàg diember d'abonnents. Ella ha bucca mo ina massa lecturs ellas valladas romonschas, sonder era biars de nos compatriots romonschs en auters cantuns, ella vischinonta Italia, Fronscha e Germania, gie perfin de quels de tschei meun della mar reillan ella per endriescher tgei che passi en lur cara patria e per sedevertir giud ina lectura en lur lungatg della mumma.

Nus considerein quei per in cletant mussament, che fa majoritad dil pievel romonsch vomni egl essenzial d'accord cullas ideas e tendenzas, las quallas la Nova Gasetta Romonscha representa e defenda, e ch'ella ha avon 9 ons tschentau si en siu programm sco bandiera per ses stimai lecturs.

Nus havein leu declarau, che nosssa gasetta vegni da tut temps a prosequir principis *liberal -- conservativs*, star eri culla verdad mo progressar cul temps, per motiv che bucca tut quei, ch'ei stau bien e comensurau per ils pardavonts, descha per lur beadis. Conform a quei principis della seuna raschun vein nus dilucidar e recomandar tutlas reformas e novaziuns, che parevan a nus bunas ed avantagiusas piel pievel; mo de l'autra vart havein nus era en tutlas chischuns resolut — e nonschanadamein defendiu nossas veglias e venerablas instituziuns politicas, che formeschan il fundament de nosssa constituziun democratica — *la suveranità dil pievel e las libertats dellas vischneucas*, defendiu quellas visavi tutlas attaccas della birocrasia hodierna, che vul far pagar il pievel ming'on pli e pli grevas taglias mo sechar comondar el nuot. Sche nies programm ha milsanavon empermess, che nies sigl vegni bucca mo a purtar nuviasas sonder era sesprovar d'esser *instructivs* en fatgs de politica, de scola, d'economia etc., sche semuossa quei claramain ord ils numerus artechels e correspondenzas, che nus havein de tut temps schau comparer de quellas varts. Era la fin e mira de nies *feuilleton*, scrots pil pievel e principalmein pella giuventegna, ei adina stau de dar edificontas historias, ch'animeschan ils lecturs tiel bien e nizeivel, e surveschan bucca mo per quort' uriala.

Visavi agl indifferentismus religius d'oz il di — a quei inimig mortal pella confessiun catolica e protestanta — vein nus bucca senuspiu de prender si en nies programm, che al Nova Gasetta Romonscha vegni a *sustener ils dretgs*

ed ils interess della baselgia catolica; quell'emper-mischun secartein nus mademamein d'haver adempliu tenor nossas fleivlas forzas, e vegnin era sigl avegnir culla grazia de Diu a restar fideivels a quei principis, e schein lù per a renfatschar, ch'in segi in «ultramontan». «La baselgia libra el stat liber» dei bucca mo esser ina frasa sonder realitad, in tschi a scadina confessiun cristiana, garentida ella constituziun cantonala e federala, libra svilupaziun de siu cult e de ses instituts ecclesiastics. *Quei ei il dretg fundament della pasch confessional; essen nus buc units ella cardierscha, sche lein nus tonalon sesprovar d'esser units ella carezia*, quei dei esser nosssa devisa. Nus secartein, che nos stimai abonnents reformai hagien de quellas varts bucca de fierer avon a nus illojalitad.

Quei ei stau e vegn a restar nies programm, eun quella bandiera essen nus passai sil camp della schurnalistica e sut quella vegnin nus a marschar *alla vittoria*. Sut las vertentas circumstanzias havein nus enflau per bien de far attents nos stimai abonnents sillas ideas e tendenzas della Nova Gasetta Romonscha, ultra de quei eis ei tuttavia bucca malconvenient de mintga diesch ons dar ina gliada anavos sil quors vergentau.

La clamada de gasetist ei bucca schi leva ed emper-neivla, sco entgins manegian; quella cariera ha bia spinas mo paucas rosas. Quei che nus consolescha e levgiescha nosssa posiziun ei il sentiment, che nus essen totalmein libers ed independents. Cura ch'in ha ed enquera naginas plazzas, tscherca nagins uffecis, sche drov' ei bia riguards de meins el scriver e plidar. — Malemparneivladats ed opposiziun ha ei denton mai muncau e vegn era buc a fallir sigl avegnir, mo cura ch'in secrei d'operar pil bien, de scriver en honor de Diu ed en favur della libertad e prosperitad dil pievel, ston ins puder vertir e surportar quei tut.

Engraziand a nos respectabels abonnents per lur fidonza ed indulgenza mussada a nus tochen ussa, e sefidont denovamein sin quellas e sin ina premurusa cooperaziun de nos correspondents ed amitgs, vegn la Nova Gasetta Romonscha denovamein entschneider siu quors, e zvar ton pli che nus sesanfleim de present en in zun impurtont e serius moment pella cara patria. Dal lac de Giencvra tochen tiellas rivas dil lac de Constanz ei tut en moviment, ed en tutlas valladas alpinas rebatta il legreivel clam: *extensium dils dretgs dil pievel!* Lein perquei luvrar e sperar, che la libertad dil pievel vegni denovamein a nescher ord il ravagl digl on 1866.

Cun ton pli gron interess vegn ussa il pievel a legier las gasettas, che datan ad el rapport sul quors e succès dil present combat per sia suveranità.

Redunonza de pievel a Glion.

Sil elom dils dus Sgrs. cussegliers nazionals della Surselva ein ils 27 d. q. comparii a Glion ella sala dil Lucmanier circa 300 umens, representants de quasi tuttas vischneuncas sursilvanas. Il comitè legius ora avon plirs ons pils fatgs della viafier sul Lucmagn veva schon prodeliberau las vertentas questiuus e sempitgau siu pareri. Sgr. *Toggenburg* ha sco president de quel aviert la redunonza ed en sia peroraziun, dau ina survista della vertenta questiuu della viafier alpina e della presenta ferma agitaziun pella revisiun della constituziun federala, che derivi dal malsecuntener dils cussegls federals ella fatschenta della viafier e de lur contract mercantil serraus giu culla Fronscha. El lai lura legier giu las resoluziuns, ch' il comitè propona alla redunonza:

1) Solemna protesta encunter tuttas emprovas fatgas dal cussegl federal e dil cussegl dils cantuns per romper la lescha, che surtai la construcziun dellas viasfier als cantuns ed alla speculaziun privata.

2) Protesta encunter il secuntener digl ambassadur svizzer Pioda a Florenz e far remover el de sia plazza el cas, ch' ei duess severificar quei che vegn el novissim raquintau dad el.

3) Formala protesta encunter vuler limitar la concurrenza dils quolms per ina viafier alpina, e detscharta declaronza ch' il tractar la questiuu della viafier sin quella moda meini tiella ruina della Svizera.

4) In stelli riguard la viafier dil Lucmagn tiellas resoluziuns pridas, numinadamein che la Surselva detti in milliun per quella e sorprendi la necessaria expropriaziun dils beins comunals e privats senza resarsiment.

5) Il comitè dei mirar, ch' il stradun sul Lucmagn vegni baghiaus ton pli spert e far ils necessari pass tiella regenza e tiel comitè dil Lucmagn a s. Gagl.

6) In declari, ch' in segi dil madem meini sco la redunonza de Cuera, ch' ils dretgs dil pievel duessien vegnir extendii e segien vegni risguardai memia pauc tiella proponida revisiun dils 9 artechels, *mo in resalvi de far valer quei meini in „temps pli opportun“* (favoreivel) (1?)

Bunds. Seeli arva la discussiun cun sustener en tut e daperlut quellas 5 resoluziuns, ch' el dilucidescha pli datier, cunzun l' impurtonza della viafier. Pauper la Surselva, sch' ella vegni baghiada sul Gottard enstagl sul Lucmagn! In hagi nagin' idea della miseria, che vegni lù a suondar. Mo avon la viafier stoppi il stradun vegnir baghiaus, gie fussi quel staus baghiaus avon, sche vessien nus schon ussa la viafier. Ei segi gie repetidamein vegnu detg dals adversaris: mirei il Lucmagn sa buc esser schi adataus, tschelluisa vessen ei silmeins bein schon baghiau sur quel ina via. Tuccont tier la revisiun, sche segi quella de pintg' impurtonza, ed ussa tuttavia buc il temps d'agitar. Quei che nus leien, survegnien nus buc, rischeien aber de survegnir la centralisaziun.

Avat Birker. Igl exempel dils glorius avats de Mustèr, ch' hagian pli davegl priu part da tuttas questiuus vitalas della Surselva, hagi comentau el de comparer oz a Glion. Concernent la questiuu politica, che schagi cheu avon, sappien ins esser de differents meini's, mo cun quels bramarisonts orators, ch' hagian plidau da sugets e pals, sappi el bucca concordar, cunzun buc en in temps, nua ch' in vegli scomondar il bastunar dalla redunonza federal'andò. El segi era persunter, ch' il pievel dei vegnir domondaus per siu meini ellas pli impurtontas questiuus, buc aber de collectar 50,000 sullascipziuns ne clomar gia la redunonza federala, de quels mettels violents portien derar bien fretg. La vusch gienerala hagi ussa seschau udir e quella vegni schon a menar las autoritads federalas silla dretga via. Tuccont tier la viafier, sche conterdeschi quei parzial secuntener de vuler favorisar in quolm pli che lauter agl emprem artechel della constituziun, essend che la forza, concordia e comunala prosperitad, che la nova ligia dei promover, vegni ual cheutras disturbadas sil pli fetg.

Bundst. Condrau: El segi ova 29 ons, ch' in segi cheu repetidamein serianai pella viafier, aber mo cun vegnir ensemen, plidar e scriver vegni giedau pauc, ei drovi danès. Mo el eregi buc, ch' ei segi ussa in comeasureu temps de vegnir neunavon cun quei sillas vischneuncas. Nus savein bucca contribuir bia pella viafier, mo la caussa vegn a sefar da sesezza, ils interpretidiers vegnan senza dubi a baghiar leu, nua ch' ei vesan che lur danès rendien il meglier. Els bagegien buc viasfier per far a nus adengrau, sonder per lur agien avantatg. — Il comitè dei perquei chitschar vinavon il stradun sul Lucmagn, oravon deien ins mirar ch' era Tessin bagegi de sia varf. Tuccont tier la revisiun, sche sessmervegli el zun fetg, ch' ei segi cheu vegnu deplorau, ch' in soccupeschi pli fetg cun quella che culla viafier. La libertad dil pievel hagi tut outra valeta ch' ina viafier. Ei pari, ch' in vegli turnar a durmentar en il pievel cun interess materials. Cura che la redunonza federala ha rut la constituziun per sechar gudognar empau dapli ils fabricants svizzers, deien nus lu star leu e dir amen tier ses 9 artechels de revisiun! Na quella meila marscha deien ins turnentar a Bern. Co il comitè vegli cussegliar a nus Grischuns, de declarar, ch' il temps segi buc opportuns de far extender ils dretgs dil pievel federal, sco quei che nus veien schon da tschentanès en neu gadiu, e cura che quel sez giavisechi, quei sappi el nonpousseivel capir. In vegli stermentar giu cun dir la societad Helvetia segi quella, che lavuri pella revisiun, mo sch' ella va cun nus d' accord d' extender ils dretgs dil pievel, pergei fugir dad ella. Dir ch' il temps segi buc opportuns, segi ton sco dir, nus essen contents cun nosses autoritads federalas, d' accord de sechar sfariatar tschies mellis baul per ina deputaziun japanesa, baul per ina expositiun d' industria, ch' ei mo de profit per fabricants e marcadonts, e gleiti per embellir il luxurius palaz federal. Na, nus lein star en pella libertad e bucca fierer ella sù «lange bank.»

Professor Depuoz. Sco republican segi er' el pil referendum, mo sco mousignur avat segi er' el encunter tuttas agitaziuns e mettels sforzai, in dei esser prudents e secuntentar cun empau perga. Avon ch' encurir subsidis en autras tiaras pella viafier deien ins sez purlar usfrendas. In dei appelar tiel pugn d' honor, lura meunchi ei bucca sacrafecis, segi da part dellas vischneuncas ne dils particulars. El sez fissi schon oz paregius cheutier.

Latour. El stoppi remarcar sil votum de Condrau, ch' ei segi bucca manau de schon ussa garegiar quels subsidis dallas vischneuncas. Quei segi denton mo proposiziuns, che vegnien sco tallas schon a far gran effect. Denton vegni la caussa madira e pleunsiu sappien ins pular avon quellas al pievel. Concernent la revisiun sche segi il comitè schon d' accord cul principi d' extender ils dretg dil pievel, mo el admone-schi cun mousignur avat e prof. Depuoz de spiltgar giu il dretg temps e sepertgirar de far allianza culla Helvezia. El descriva lù las prigulusas tendenzas de quels radicaluns, lai tier ch' ei detti denter quels bravs umens e de ses amitgs, mo els veglien la compleina centralisaziun, tgei nezegi lu il referendum? Quel hagi nagins aspects de vegnir acceptaus, ton pli che la Helvezia hagi pintga suatienscha. Tut dependi ella politica dal succès, vegnien nus sutèn cun noss' agitaziun pil referendum, sche regni Escher e comp. a sechar sentir nus Grischuns ton pli lur vendetga. Respectai umens dell' Svizera hagian scret ad el: sepertgiri Grischuns d' ir memia lunsch.

Advocat Joos e Steinhäuser, giuven, dien ch' els segien era vegni a Glion cullas ideas della redunonza de Cuera, mo da pli ch' els hagian udiu cheu, co las caussa stettien, vesien els che la prudienscha garegi de sechar curdar la damonda d' ina nova revisiun. Sco Latour creien er' els, chils 9 artechels contegnien buns progress.

Blumenthal de Surcasti sessmerveglia zua fetg ch' in vegli saver cheu nuot dalla revisiun, che dei esser il principal tema. Ei segi nér temps ch' il pievel sepassi si, e per mussar als signurs a Bern de respectar empau meglier las leschas deien ins sco demonstraziun concluder de fierer

ils 9 artechels. En quei sem plaidan eunc advocat Casura ed actuar Tuor de Somvitg, il qual cusseglia de fierer ils 9 artechels ella fanteuna dil Rein sil Baduz e schar menar els qtel a Basel e de leu alla Fronscha, danunder ch' els segien vegni.

President Depuoz vul sco democrat era saver nuot dals 9 artechels e sco Catholic censurech' el il maluliv bratsch, che vegn duvraus a Bern en fatgs confessionals. Suenter che Toggenburg ha denovamein giu encuretq de dilucidar la questiuon della nova revisiun, ein ils 5 emprems pugns vegni acceptai ed il davos riguard la revisiun ei cun gronda majoritad, vegnus stribaus, secartend ch' il pievel vegni ils 14 de Schanè schon a saver tgei ch' el bagi de far.

Nus e bia auters vessen spitgau tut in auter resultat de quell' imposanza redunouza!

INTERN.

Nies ambassadur Pioda a Florenza era schon daditg en suspect, ch' el lavuri ed intrigeschi leu pli pils interess della viafier sul Gottard, ch' en favur dell' entira Svizzerza, dalla qualla el retla sia aulta paga. Duront ch' il cussegl gron tessinès sedeliberava sullas concessiuns pervia della viafier alpina, par' ei ch' il bagi giugau ina biala rola Sco enconoschent ei, han ils Tessinès enviav anavos la damonda de concessiun da part dil comitè dil Gottard, per raschun ch' el gareziava dad els de bucca stgar dar la concessiun alla viafier sul Lucmagn entochen 10 ons suenter ch' il tunnel dil Gottard segi finius. La societad Hudson e Genazzini damonda els pella concessiun sul Gottard, mo senza sclauder ora il Lucmagn ed ei er' ussa de preveder, che quella survegnessi ella. Tgie fa ussa nies Pioda per turnar a menar l' aua sil mulin gottardistic? El va tier Hudson, che sesenflava a Florenz, di a quel, ch' il cussegl gron bagi enviav anavos sia damonda de concessiun e sco in audi veglien ussa ils numerus crediturs de su compogn Genazzini sefar vid lur summa deponida a Ligieun sco garanzia pella viafier, perquei dei el spert retrer quels danès. Hudson pren quei per s. scartira, e supplichescha Pioda, ch' el duessi telegrafar a Ligieun, ch' in dei retrer e salvar si quels danès per Hudson. Per ventira ha ei ual valiu, che la deliberaziun sulla damonda della concessiun de Hudson e Genazzini ei vegnida refretga per quei di. Denton auda lu Hudson, ch' il cussegl gron tessinès segi eunc buc entaus en sur sia fatschenta e telegrafescha spert, co il fatg segi passaus e ch' in dei bucca retrer sia garanzia dada. Quella depecha ei vegnida legida avon el cussegl gron ed ha leu naturalmein provocau grond' indignaziun. Tut fa curvien sur quei vergognus secuntener de Pioda, aschia ch' il cussegl federal ha enflau per bieu de damondar da siu ambassadur in exact rappert sur quei cas. Pauper Pioda, spons la broda!

GRISCHUN. El Cadi ha la votaziun suls pugns de recapitulaziun giu sequent resultat: pella taglia ein stai 605, encunter 186, pella taxa sils tgeuns 309, encunter 415, pella patenta de catscha 14 e 722 encunter, per schurmjar ils tschierfs 604.

S. GAGL. Nus havein schon fatg menziun dalla solemna protesta dil capetel d' Uznach encunter las insinuaziuns fatgas al spiritualesser catholic ella davosa redunonza federala. Il niev Tagblatt de s. Gagl cusseggia, che luts capetels della Svizzerza duessien per defensiun de lur honor e per conservar lur dretgs dar giu ina semiglionta protesta, ch' ils uestgs savessien lura termetter tier alla redunonza federala.

ITALIA. En consequenza d' ina gronda terrada dil ministeri el parlament pervia d' ina questiuon finanziaria ha quel dau en sia demissiun. Lamarmora ei incumbensaus de componer in niev ministeri e la combra ha suspendiu sia sessiun tochen miez Schanè. —

Feuilleton.

La buna figlia.

A Tespe, in vitget hanovrian spell' Elba, er' in cumin vischin cun num Bergmann vegnus fetg anavos tras inodaziuns ed autras calamitads. Ina misrabla cassetta cun in pign jert desperas era tut quei, ch' el veva cun gronda bregia podiu conservar. Cun semurdergiar ed endirar fom ha el cheu tochen en ses 80 ons podiu setrer atras senza mulestar la glient pell' almosna. Sia dunna fuv' eunc pli veglia e se' in affon. — In berschament ha lu en quella aulta vegliadetgna eunc privau els de lur casa e de lur entira facultad moventa. Malseuns, fleivels, ed inhabels de segiedar sesez, sesenflavan els ussa ella pli extrema miseria.

Lur figlia Turtè, il sulet affon, che la mort veva schau anavos ad els, fuv' en in altra vischneunca en in bien survetsch. Cun snueviva dolor aul' ella dalla sventira de ses gieniturs, e pren cuninaga la heroica resoluziun de vegnir en agit a ses paupers gieniturs, de sacrificar per els tut siu temps e sias sforzas, e de bucca ruassar entochen ch' ella bagi bneca mess els en in meglier stand. Tras ferventas oraziuns aquistescha ella pli aulta forza e cun cristiana legria, che sefida adipa mo siu Diu, execuesch' ella siu plan.

Cun larmas giu pella vista bandun' ella siu survetsch nua ch' in era cun ella zun fetg contents e schev' ir nuidis naven, e va encunter casa. Leu anfi' ella ses vegls gieniturs, ch' eran schon demancivel dalla fossa stannit ora en in clavau. Ella mein' els en ina casa bucca dalunsch ed empermetta de mirar tier els bein ed endretg. Cun quei ch' ell' era stada activa e spergnusa, veva tenuu ensemen ils danès, enstagl metter els vid malnzeivel selurschardem, vev' ella spergnau ensemen de bia danes. Quella pagaglia de plirs ons e de ruh survetsch drov' ella per cuvierer ils pli urgents basegns de ses munglus gieniturs. Ei va bucca ditg, che sia cassa de spargn ei villa, ed ella sto patertgar suenter novs remedis per trer via ses vegls, che pudevan derar bandunar il letg e vertir mo levas spisas. Scadin moment, ch' ella stueva bucca survir si ad els, applicav' ella pella lavur e sin quella moda fadiav' ella il necessari per bucca schar murir els dalla fom. Mo quei era buc avunda per sia zart' olma, ella penzava, co ella savessi beinduras survegnir per els enqual buna e fortificonta spisa. Era quei reussesch' ad ella, cun quei ch' ella sezza renunziava sin tut, e mava perfin senza chillscheuls e calzès per tras quei ed auters spargus mintga ton temps saver cumprar a ses gieniturs in paun zart ed in bien glas vin.

Entginas persunas de bien sentiment andrieschian da quei, e fan la causa encoschenta. Sut il num *la buna figlia* ei la giuvna vegnida recomandada ellas gasettas. De plirs mauns survegn ella subsidis e perfin la regenza lai vegnir tier in sust'niment. Plaun e plaun mav' ei ussa cun quella familia bia meglier ch' avon lur disgrazias. Ei vegn bagliav si per ella ina bufalga casa nova, provedida cul necessari mobiliar.

O, ei fuv' in aspect, che muentav' il cor de ver, co ils paupers vegls eran surstai giud quella midada, co els ergraziavan Diu e rugavan quel per lur benefactors! Pella nobla figlia' ch' era la caschun de quella ventira, vev' ina

beneficenta societad perfin collectau ina dotta per sia meridaglia. Mo quella, che viveva bucca per ella sonder sulettamein per ses gieniturs, leva nuota saver de spus, schiditg ch' ils gieniturs vivevan e duvravan siu agit.

Strusch era la familia secasada ella casa nova, sche vegnan ils vegls malseuns dad ina spezia de colera, che dominava egl entir contuorn. Er' en quella tresta e prigulusa situaziun ei la perseveronta figlia stada fideivla. Emblidond via sesezza ed il prigel, er' ella di e notg entuorn il letg de ses gieniturs moribunds cun spir carezia, migieivladat e fideivladat, e spandend caudas larmas ha ella serrau ils eglis al bab ed alla mumma suenter lur biala mort.

Sia destinaziun per quest mund stueva cumpatg essor alla fin. Pertgei il madem di, ch' ella ha giu compignau tiella fossa las baras de ses cars gieniturs, ademliu sia davosa obligaziun affonila, vegn er' ella attaccada dalla madema malsagna, suenter paucs dolorus dis spart' ella dad ina migieivla mort per retscheiver sia pagaglia el parvis sper ses gieniturs.

Publicaziuns.

De vender.

Ina biala campagna de segneradi de maseivel dil lac de Turitg e mo 5 minutas distanza d' ina staziun della viafier, consistente en ina casa renovada cun bagetgs desperas, stupents orts, fons e cun ina magnifica vista sil lac de Turitg, sillas montognas de Glaruna e Sviz.

rezenza e tiel. **Stretz-Bettschard ad Uznach.**

Annunzia e recommendaziun.

Il suttascret liacudischs fa cheutras de saver, ch' el segi setabilius a *Mustér* ella stizun spella stamparia en casa dil Sgrs. Frars Mon, e sereramonda cheutras ad in ludeivel publicum per tuttas lavurs de siu mistregu, ch' el vegn a far spert, solid o per in raschuneivel prezi. —

En sia stizun ha el era de vender differents *cutischs* d' oraziuns, d' uffeci de doctrina e calendars.

Emanuel Deragisch.

La fravia d' aua

a *Disla*. Muster, beim regulada si, cun ina habitaziun per ina familia desperas ed ils necessaris naessens per in fravi ei venala ne de schar via per tscheins. Tuts quels ch' han tschaffen de quella, san enteifer 15 dis sadressar en brevs francadas tier Sgr. president *Giachen Giuseppe Condrau* a *Mustér*.

Negozzi de vin e bubrondas spiritusas de Silvester Willi.

Il suttascret ha l'honor de far de saver ad in Tit. Publicum, ch' el segi bein provedius culs megliers e pli dueivels vins interns ed jasters (era cun vin de Valtrina de differents prezis) e bubrondas spiritusas, e ch' el vegni de tut temps a survir a sias postas cull' usitada exactadat e reals products. Cunzun lessel jeu far attents sin mes fins vins jasters de butteglia.

Per raschun che miu agent de vivon, Sgr. Alex. Jost, ha ussa sez tschentau si in negozi de vin, sch' ein mes stimai amitge de fatschentas supplicai de per denton directamein sadressar tier mei.

Cuera, la fiera a s. Andriu 1865.

Silvester Willi

presentamein ell' ustria della Messmeria.

Annunzia.

Avon sia partenza fa il suttascret de saver ad in lud. publicum, che tut, tgi ch' hagi d' haver enziget dad el, dei dar en quei als Sgrs. Dedual, Nadig e Comp. a Cuera, ne a Sgr. Gaudenz Willi a Lonsch.

In vegs, cunzun era fatg attents, ch' el hagi buc approban emprovas d' accomodements fatgas pli baul da tiarzas personas, ed el declara expresivamein *che nagin dei spiarder guanc in miez procent sin el.*

Cuerr, December 1865.

Silv. Willi
negozi de vin

Cheutras havein nus l' honor de far de saver ad in lud. publicum, che nus havein sper nossas fatschentas a Frankfurt spel Main, Hamburg, Viena e Berlin cunc ren-chau en ina filiala a Basel sut la firma:

HAASENSTEIN & VOGLER

Expediziun per annunzias de gasettas
Basel, Freiestrasse Nr. 79.

Nies birò procurescha ch' annunzias ne inserats de gasettas comparan en tut las gasettas de tut las tiaras cun quintar bucca pli aults prezis, che quei ch' in stuess pagar allas resp. gasettas sezzas. Tras nies birò vegn ei aschia spergnau portos e bregias a quel, che vul termetter tier las annunzias; tier grondas commissiuns vegn ei era dau gl' usitau rebatt. Ei vegn termess tier ils numers dellas gasettas cullas respectivass annunzias. Nus recomondein pia nies birò ad in lud. publicum e vegniu a far tuttas commissiuns cun promptadat e spartezza. Cun aulta stema.

Haasenstein & Vogler
a Basel.

Annunzia per gliेत derutta.

Tgi che vul seperschuader dil gron effect dil renomant remiedi per gliेत derutta e dils destingui bandaschs (tschenlas) de Krüsi-Altherr a Gais, cantun Appenzell, quel sa reter ord la stamparia della Nova Gasetta Romonscha a Mustér in cudischet cun bia tschiens attestats en lungatg tudestg, franzos e talian. (1)

Tiers jasters a Medel.

1) In anog ner gagl, ureglia dretga giulasum e dus schnezs davos en o berschau in streh sil nas.

2) In ansola grischa gaglia, ureglia dretga ina fureletta davon en osum, seniastra in schnez davon en.

3) In ansola nera, ureglia dretga ina fureletta davon scursalau orasi, seniastra giu da sum ed in schnez davon en

Il proprietaris san entenfer 15 dis sadressar tier

La suprestonza.

Tgi che sa novas dad ina *starleglia*, ureglia dretga ina mesa glieta davon e davos en, seniastra furan, ei supplicau de schar saver *M. Ant. Collumberg* a *Morissen*.

Cloms de quen.

Concessiun governativa ils 8 de December 1865.

Lunnezia. Gieran Franz Heine de Val retscheiva ils quens dil concursant *Stiafen Stoffel* de leu.

Cadi. Essend che la facultad della *Margreta Decurtins*, nata *Demont*, donna de *Matias Decurtins* de Trun, dei vegnir segirada, sche deien tuts quens de quels dus consorts vegni dai en a *Jos. Ant. Alig* de leu. Tuts quens de *Sep. Ant. Carigiet*, il vegl, de *Dardin* deien vegnir dai en a siu ugan e liquidatur gieran *Ludvig Cabernard*.

Bergugn. *Silvester Willi* de Lonsch, sesents a Paris, ei relaschaut dall' ugadia.